

ner die sijne sunden bekende **I**ck
 segghe dy voerwaer huden salstu
 myt my wesen inden paradise.
Laet my alsoe leuen dat ick in die
 vre mijnre doet mijn sunden belie
 en beschreyen moet myt waerach
 tich verou **O**p dat ghy toe my seg
 ghen huden salstu myt my wese
 inden hemel **E**n daer nae se
 destu dynre moeder Wiff sie dijn
soene. ende toe Johānes. sie dijn
moeder **O**m welck woert bidde ic
 dy dattu my wylste beuelen in die
 huede dynre lieuer moeder en dñs
 ghenynden discipels **D**at sie my
 moeten ghenade en barmherticheit
 an dy vercryghen sonderlinghe i
 die vre mijns dodes **O**aer nae
 sprekestu mijn god mijn god waer
 om heuestu my ghelaten Werliene
 my dat ick in allen lyden toe dy
 moet vlien en openbaren en on